

62

HARVARD COLLEGE LIBRARY  
FROM THE  
HARVARD-YENCHING  
INSTITUTE

AUG 30 1929

~~Ch LR 9299.1142~~

~~Ch L 9901.114~~

T9299/114

62  
+  
=

5

木類會

樟木九卷

五倍

檫木

石楠

楠木

山楡

木類

檫木

石楠

楠木

山楡

山楡

雪間尤明至長壽寺

柏

漆樹

杜仲

香

竹

榆

五

風

香

長

三才圖會

哈佛大學  
哈佛藥宗  
圖書館  
珍藏  
印

雲間允明父子思義續集

木類

草木九卷

松 五倍

槐

柏

榆

酸棗

藥木

漆樹

五加皮

牡荊

蔓荊

杜仲

楓樹

荑

丁香

沉香

藿香

金櫻

落雁木

竹

吳茱萸

檳榔

山梔

騏驎竭

龍腦

蕪荑

枳樹

厚朴

秦皮

山茱萸

猪苓

白棘

烏藥

沒藥

菴摩勒

衛矛

海銅皮

虎杖

松



本草綱目卷之九  
松有二種惟五葉者結子台州府境出金松垂條如弱柳  
結子如碧珠三年子乃一熟松生泰山山谷其脂一名松  
膏一名松肪味苦甘溫無毒主疽惡瘡頭瘍白禿疥瘡風  
氣安五藏除熱胃中伏熱咽乾消渴及風痺死肌赤者主  
惡痺其實味苦溫無毒主風痺寒氣虛羸少氣補不足葉  
味苦溫主風濕瘡生毛髮安五藏松節溫主百節久風風  
虛脚痺疼痛其花上黃粉名松黃燒其枝上下承取汁漚  
名松滿主牛馬瘡皮上綠衣名艾納香用合諸香燒之具  
烟不散

五 倍 子



五倍子

五倍子在處有之生膚木葉上七月結實無花其木青黃色其實青至熟而黃大者如拳內多蟲九月採子暴乾一名文蛤一名百蟲倉味苦酸平無毒療齒齋疔疔疔藏風毒流溢皮膚作風溼癬瘡瘙痒膿水五痔下血不止小兒面鼻疔瘡

槐



槐實生河南平澤今處處有之其木極高大者謹按爾雅  
 槐有數種葉大而黑者名懷槐晝合夜開者名守宮槐葉  
 細而青綠者但謂之槐四月五月開花六月七月結實十  
 月採老實入藥皮根採無時味苦酸鹹寒無毒主五內邪  
 氣熱止涎唾補絕傷五痔火瘡婦人乳癍子藏急痛枝主  
 洗瘡及陰囊下濕痒皮主爛瘡根主喉痺寒熱

栝



本草綱目卷之四十一

五

栢

栢實生泰山山谷今處處有之而乾州者最佳三月開花  
 九月結子其葉名側栢密州出者尤佳味甘平無毒主驚  
 悸安五藏益氣除風濕痺療恍惚虛損腰中重痛益血止  
 汗葉味苦微寒無毒主吐血衄血崩中赤白去濕痺  
 止乳白皮主火灼爛瘡長毛髮

榆





榆 生潁川山谷今處處有之三月生莢仁味甘平無毒  
主大小便不通利水道除邪氣腸胃和熱氣消腫其實療  
小兒頭瘡痂花主小兒癩小便不利傷熱一名零榆皮



酸 棗



本草綱目卷之九

七

酸棗

酸棗生河東川澤近京及西北州郡皆有之惟酸棗縣出者爲真其木高數丈徑圍一二尺木理極細堅而且重其核仁稍長而色赤如丹味酸平無毒主心腹寒熱邪結氣聚四肢酸疼濕痺煩心不得眠臍上下痛血轉久洩虛汗煩渴補中益肝氣堅筋骨助陰氣安五臟

棗

木



藥木

藥木黃藥也生漢中山谷及永昌今處處有之以蜀中者為佳木高數丈葉類茱萸及椿葉經冬不凋皮外白裏深黃色根如松下茯苓作結塊五月六月採皮去皺麓暴乾用味苦寒無毒主五臟腸胃中結熱黃疸腸痔止洩痢女子漏下赤白陰傷蝕瘡療驚氣在皮間肌膚熱赤起目熱赤痛口瘡根一名檀桓主心腹百病安魂魄不饑渴

漆

樹



漆樹

乾漆生漆出漢中川谷今蜀漢金峽襄歙州皆有之木高三二丈皮白葉似椿花似槐子若牛李木心黃六月七月以竹筒釘八月中取之乾漆舊云用漆桶中自然乾者狀如蜂房味辛溫無毒主絕傷補中續筋骨填髓腦安五臟五緩六急風寒濕痺癢欬嗽消瘀血痞結腰痛女子疝瘕利小腸去虵蟲生漆去長蟲久服輕身耐老

五加皮



五加皮

五加皮生漢中及寃句今江淮湖南州郡皆有之春生苗  
莖葉俱青五葉者良三四月開白花結細青子至六月漸  
黑色根若荆根皮黃黑內白骨堅硬五月七月採莖十月  
採根陰乾用蘄州人名爲木骨味辛苦溫微寒無毒主心  
腹疝氣腹痛益氣療躄小兒不能行疽瘡陰蝕男子陰痿  
囊下濕小便餘瀝女人陰痒及腰脊痛兩脚疼痺風弱五  
緩虛羸補中益精堅筋骨強志意

牡荊



牡荊生河間南陽宛甸山谷或平壽都鄉高岸上及田野  
中俗名黃荊枝莖堅勁作科不爲蔓生故稱牡葉如篔簹  
更踈瘦花紅作穗實細而黃如麻子大或云即小荊也八  
月九月採實陰乾味苦溫無毒主除骨間寒熱通利胃氣  
止欬嗽下氣一名羊樞一名空疏理白而中虛斷植即生

蔓荊



蔓荆 生秦隴明越州多有之苗莖高四五尺對節生枝  
 至夏盛茂有花作穗淺紅色莖黃白色花下有青萼至秋  
 結實斑黑如梧子八月九月採味苦辛微寒平溫無毒主  
 筋骨間寒熱濕痺拘攣明目堅齒利九竅去白虫長虫主  
 風頭痛腦鳴目淚出益氣

杜仲



杜仲

杜仲生上虞山谷及上黨漢中木高數丈葉如辛夷亦類  
柘其皮類厚朴折之內有白絲相連二月五月六月九月  
採皮用江南人謂之櫛一名思仙一名思仲一名木綿味  
辛甘平溫無毒主腰脊痛補中益精氣堅筋骨強志除陰  
下痒濕小便餘瀝脚中酸疼

楓

樹



本草綱目卷之九

十一



楓

楓 所在大山皆有南宮及關陝多有之似白楊甚高大  
葉圓而作岐有二角而香二月有花白色實大如鴨卵八  
月九月熟暴乾可燒脂爲白膠香味辛苦平無毒主癰瘡  
風痒浮腫齒痛其皮味辛平有小毒主水腫下水氣煮汁  
用之

蕤



蕤樹生函谷川谷及巴西河東亦有之其木高五七尺莖  
間有刺葉細似枸杞而尖長花白子紅紫色附于莖而生  
類五味子六月成熟核味其溫微寒無毒主心腹邪結氣  
明目目赤痛傷淚出目腫背爛鼻破心下結痰痞氣



丁香

丁香出交廣南蕃今惟廣州有之木類桂高丈餘葉似櫟  
凌冬不凋花圓細黃色其子出枝葉上如釘子長三四分  
紫色其中有籠大如山茱萸者謂之母丁香味辛溫無毒  
主溫脾胃止霍亂擁脹風毒諸腫齒疳蠱其根療風熱毒  
腫


沉香



沉香

沉香青桂香雞骨香馬蹄香棧香同是一本海南諸國及交廣崖州有之其木類椿櫟多節葉似橘花白子似檳榔大如桑椹紫色細枝緊實未爛者為青桂堅黑而沉水為沉香半浮半沉與水面平者為雞骨最麓者為棧香沉香味微溫療風水毒腫去惡氣

藿香



本草綱目卷之九  
霍香嶺南郡多有之二月生苗葉似桑而小薄六月七月  
採微溫療風水毒腫去惡氣療霍亂心痛

金櫻



金櫻子

金櫻子南中州郡多有之而江西劍南嶺外者爲勝叢生  
鄭野大類薔薇有刺四月開白花夏秋結實亦有刺黃赤  
色形似小石榴十一月十二月採味酸澁平溫無毒療  
泄下痢止小便利澁精氣



落鴈木



落鴈木生雅州味甘性平無毒其苗作蔓纏遠大木苗葉  
形色大都似茶無花實四月採苗入藥用之主風痛傷折  
脚氣腫腹滿虛脹又主婦人陰瘕浮泡及治產後血氣痛



竹



竹

竹處處有之竹之類甚多而入藥者惟篋竹苦竹淡竹三種  
 篋竹堅而促節體圓而質勁皮白如霜葉味苦平大寒  
 無毒主欬逆上氣溢筋急惡瘍殺小蟲除煩熱風瘧喉痺  
 嘔吐根作湯益氣止渴苦竹有白有紫甘竹似篋而茂即  
 淡竹也補虛下氣消毒汁主風瘧淡竹葉味辛平大寒主  
 胸中痰熱欬逆上氣瀝大寒療暴中風痺胸中大熱止煩  
 悶皮茹微寒主嘔哕溫氣寒熱吐血崩中溢筋苦竹葉及  
 瀝療口瘡目痛利九竅笋味甘主消渴利水道益氣

吳茱萸



本草綱目卷之九

十一



吳茱萸生上谷川谷及宛句今處處有之江浙蜀漢尤多  
木高丈餘皮青綠色葉似椿而闊厚紫色三月開花紅紫  
色七月八月結實似椒子嫩時微黃至成熟則深紫九月  
九月採陰乾味辛溫大熱有小毒主溫中下氣止痛欬逆  
寒熱除濕血痺逐風邪開腠理去痰冷腹內絞痛諸冷實  
不消中惡心腹痛逆氣利五藏根殺三虫根白皮治喉痺  
欬逆止洩注食不消女子經產餘療白癬

楨榔




檳榔生南海嶺外州郡皆有之大如桄榔高五七丈正直  
無枝皮似青桐節如桂竹葉生木顛其實作房從葉中出  
傍有刺若棘鍼重疊其下一房數百實如雞子狀味辛溫  
無毒土消穀逐水除痰癖殺三虫伏尸瘰寸白嶺南人嗽  
之以當果實有三四種有小而味甘者名山檳榔有大而  
味澁核亦大者名猪檳榔最小者名納子又云尖長而有  
紫文者名檳圓而矮者名柳檳力小柳力大其大腹所出  
與檳榔相似但莖葉根幹小異并皮收之謂之大腸檳榔

山梔



山梔生南陽川谷南方及西蜀州郡皆有之木高七八尺  
葉似李而厚硬二三月生白花花皆六出甚芬香即西域  
薝蔔也夏秋結實如訶子狀生青熟黃中仁深紅九月採  
實暴乾味苦寒大寒無毒主五內邪氣胃中熱氣赤白痢  
療目熱赤痛胸心大小腸大熱心中煩悶

騏驎竭



騏驎竭出南番諸國及廣州木高數丈葉似櫻桃而有三角其脂液從木中流出滴下如膠飴狀久而堅凝乃成竭赤作血色故亦謂之血竭味甘鹹平有小毒主五邪氣帶下止痛破積血金瘡



龍腦香



本草綱目卷之九十九

三

龍腦香

龍腦香出婆律國其木高七八丈可六七圍傍生枝葉正圓而背白結實如荳蔻皮有甲錯香卽木中脂似白松脂作杉木氣膏乃根下清液耳亦謂之婆律膏味辛苦微寒一云溫平無毒主心腹邪氣風濕積聚耳聾明目

蕪

葵



蕪荑

蕪荑生晋山川谷一名無姑一名葢味辛平無毒主五内邪氣散皮膚骨節中淫淫如蟲行去三蟲化食逐寸白蟲腸中嗚嗚喘息

枳

樹



本草綱目卷之九

天

枳樹

枳實生河內川澤枳殼生商州川谷高五七尺葉如棗多  
刺春生白花至秋成實九月十月採實味苦酸微寒無毒  
主大風在皮膚中如麻豆苦痒除寒熱結止痢長肌肉利  
五藏益氣輕身除胃脅痰癖逐停水破結實消脹滿心下  
急痞痛逆氣脅風痛安胃氣止溘洩明目殼味苦酸微寒  
無毒主風痒麻痺通利關節勞氣咳嗽背膊悶倦散留結  
胃膈痰滯逐水消脹滿大腸風安胃止風痛

厚

朴



本草綱目卷之九

九

厚朴

厚朴出交阯冤句木高三四丈徑一二尺春生葉如柳葉  
四季不凋紅花而青實皮極鱗皺而厚味苦溫無毒主中  
風傷寒頭痛寒熱驚悸氣血痺死肌去三蟲溫中益氣消  
痰下氣療霍亂腹痛脹滿胃中冷逆胸中嘔不止洩痢淋  
露除驚去留熱心煩滿厚腸胃其樹名榛其子名逐折療  
鼠瘦明目益氣

秦皮






秦皮

秦皮生廬江川谷及寃句其木大都似檀枝幹皆青綠色  
葉如匙頭許大而不光無花實根似槐根二月八月採皮  
陰乾味苦微寒無毒主風寒濕痺除熱目中青翳白膜療  
男子少精婦人帶下小兒癩身熱可作洗目湯一名岑皮  
一名石檀

山茱萸



山茱萸

山茱萸生漢中山谷木高丈餘葉似榆花白子初熟未乾赤色九月十月採實陰乾味酸平溫無毒主心下邪氣寒熱溫中逐寒濕痺去三蟲腸胃風邪寒熱疝瘕頭風鼻塞目黃耳聾溫中下氣出汗強陰益精安五臟通九竅止小便利一名蜀棗一名雞足一名魁實

猪

苓



猪苓

猪苓生衡山山谷及济阴宛句蜀州眉州亦有之生土底皮黑作塊似猪粪故名之一名假猪屎一名地烏桃二月八月採陰乾削去皮肉白而實者佳莊子謂之豕橐味甘苦平無毒主痰瘡鮮毒蠱疰不祥利水道

白棘



白棘棘鍼也生雍州川谷叢尚三四尺花葉莖實都似棗  
而有赤白二種味辛寒無毒主心腹痛癰腫潰膿止痛决  
刺結療丈夫虛損陰痿精自出補腎氣益精髓

烏

藥



烏藥

烏藥生嶺南邕容州木似茶檟高五七尺葉微圓而尖作  
三極面青背白五月開細花黃白色六月結實如山芍藥  
味辛溫無毒主中惡心腹痛蠱毒疰忤鬼氣宿食不消天  
行疫癘膀胱腎間冷氣攻衝背脊婦人血氣小兒腹中諸  
蟲其葉及根能補中益氣偏止小便滑數

沒藥樹



二木圖會卷之五  
沒藥生波斯國海南諸國及廣州或有之木根株皆如橄欖葉青而密歲久者則有膏液凝結成塊或大或小亦類安息香採無時味苦平無毒主破血止痛療金瘡諸惡瘡痔漏卒下血

菴摩勒



菴摩勒餘甘子也生嶺南交廣愛等州木高一二丈枝條甚軟葉青細密朝開暮歛如夜合而葉微小春生冬凋三月有花如粟米微黃隨即結實莢每條三兩子至冬而熟如李子狀青白色味苦其寒無毒主風虛熱氣一名餘甘

衛矛



解 桐 皮



衛矛鬼箭也出霍山山谷三月以後生莖苗長四五尺許  
其幹有三羽狀如箭翎葉似山茶青色八月十一月十二  
日採條莖陰乾其木亦名狗骨味苦寒無毒主女崩中  
下血腹滿汗出除邪殺鬼毒蠱疰中惡腹痛去白虫消皮  
膚風毒腫



本草綱目卷之九

三



海桐皮

海桐皮出南海巴南山谷葉如手大作三花尖皮若梓白皮而堅韌可作繩入水不爛不拘時月採之味苦平無毒主霍亂中惡赤白久痢除甘蠶疥癬牙齒蟲痛水浸洗目除膚赤

虎

杖



虎杖

虎杖一名苦杖處處有之三月生苗莖如竹筍狀上有赤  
斑點初生便分枝丫葉似小杏葉七月開花九月結實二  
月三月採根暴乾微溫主通利月水破留血癥結

三才圖會

雲間名父王思義續集

草木十卷 蔬類

薑

冬葵

莧

蕪菁

瓜

芥

菘菜

龍葵

葱

韭薤

白薤荷

假蘇

又蘇  
蘇

香薷

薄荷

葫

蒜

藜藜

蕞菜

馬蘭頭

茄

蕨

同蒿

菠薐

胡安

苜蓿

蒿菘菜

鹿角菜

蓴菜

瓠

菹豆

甜菜

紫豇豆 刀豆 苦蕒 水蘄 地瓜兒

芥菜 藺蒿 鵞兒腸 佛指甲 蛇葡萄

鐵掃帚 芎 野胡蘿蔔 甘露 野山藥

鷄腿兒 絲瓜 老鴉蒜 甘露 慈菰

芋 天藕兒 野落籬 眼子菜 浮薺

牛尾溫 水菜 狗腳跡 烏藍檐 碎米薺

燈籠兒

薑



薑

生薑生犍爲山谷及荊州楊州苗高二三尺葉似箭竹葉而長兩兩相對苗青根黃無花實秋採根於長流水洗過日曬爲乾薑生薑味辛微溫主傷寒頭痛鼻塞咳逆上氣止嘔吐久服去臭氣通神明

冬葵



冬葵子

冬葵子生少室山秋種經冬至春作子者謂之冬葵子苗  
葉作菜茹更甘美性滑利能宣導積壅仍利小腸孕婦臨  
產煮葉食之則胎滑易產暴乾葉及燒灰同作末主金瘡  
根主惡瘡小兒吞錢煮汁飲之立出有蜀葵花有五色白  
者主瘰癧及邪熱陰乾末服之黃者主瘡癰乾末水調塗  
之立愈小花者名錦葵功用更强黃葵子主淋瀝又令婦  
人易產又有終葵大莖小葉紫黃色吳人呼爲繁露一名  
承露可作口脂又有兔葵似葵而葉小葉王淋瀝熱結

覓




二才圖會卷之四十一  
四  
莧

莧生淮陽川澤及田中有六種人莧赤莧白莧紫莧馬莧  
五色莧馬莧即馬齒莧也人白二莧俱大寒但人莧小而  
白莧大其子霜後方熟實細而黑主醫目黑花肝風客熱  
等紫莧莖葉通紫諸莧中此無毒不寒兼主氣痢赤莧亦  
謂之花莧莖葉深赤根莖亦可糟藏食之性微寒主血痢  
五色莧今稀有細莧俗謂之野莧

燕


菁



蕪菁

蕪菁及蘆菔南北皆有之蕪菁即蔓菁蘆菔今俗呼蘿蔔  
蕪菁四時俱有春食苗夏食心亦謂之薑子秋食莖冬食  
根常食之通中益氣令人肥健嘉話錄云諸葛亮所止令  
兵士獨種蔓菁者取其纔出甲可生啖一也葉舒可煮食  
二也久居則隨以滋長三也棄不令惜四也回即易尋而  
採之五也冬有根可斫食六也故三蜀江陵之人呼蔓菁  
爲諸葛菜

瓜



瓜

瓜處處有之種類甚多入藥當用青瓜蒂七月採陰乾方  
書所用多入吹鼻及吐膈散中葶主鼻中息肉等葉主無  
髮搗汁塗之即生花主心痛欬逆肉主煩渴除熱多食則  
動痼疾又有越瓜色正白生越中胡瓜黃色亦謂之黃瓜  
西瓜食之去暑又有東瓜食之益人南瓜色微紅北瓜色  
青二瓜俱有稜食之發痼疾

芥






芥菜

芥菜處處有之似菘而有毛味極辛辣此所謂青芥也芥之種亦多有些紫芥莖葉純紫多作齏者食之最美有白芥子麓大色白如梁米此入藥者最佳其餘南芥旋芥花芥石芥之類皆菜茹之美者非藥品所須大抵南土多芥亦如菘類相傳嶺南無蕪菁有人攜種至彼種之皆變作芥想地氣煖使然耳

菘

菜



菘菜

菘菜即白菜南北皆有之與蕪菁相類但梗短葉闊厚而肥痺味甘溫無毒主通利腸胃除胸中煩解酒渴揚州一種菘葉圓而大或若筴噉之無滓絕勝他者此所謂白菘也又有牛肚菘葉最大厚味甘紫菘葉薄細味小苦有小毒然能殺魚腥最相宜也多食過度惟生薑能解其性

龍

葵



龍葵

龍葵北方有之謂之苦蕒葉圓花白實若牛李子生青熟  
黑但堪熟食不任生噉味苦寒無毒食之解勞少睡去虛  
熱腫其實赤者名赤珠服之變白令黑


葱



葱

葱處處有之葱有數種入藥用山葱胡葱食品用凍葱漢  
葱山葱生山中細莖大葉食之香美於常葱一名荅葱爾  
雅所謂荅山葱是也胡葱類食葱而莖葉微短凍葱氣味  
最佳一名冬葱又有一種樓葱江南人呼龍角葱言其苗  
有八角也味辛溫無毒主明目補中其莖葱白主傷寒寒  
熱出汗骨肉痛喉痺不通安胎除肝邪氣利五藏殺百藥  
毒葱汁主溺血解藜蘆毒


韭



韭

韭處處有之味辛微酸溫無毒歸心安五藏除胃中熱利  
人可久食子主夢泄精溺白根主養髮又有一種山韭形  
性亦相類但根白葉如燈心苗爾雅所謂藿山韭也

薤



薤

薤生魯山平澤今處處有之似韭而葉闊多白無實人家  
種者有赤白二種皆春分蒔之至冬而葉枯味辛苦温無  
毒主金瘡瘡敗輕身不飢耐老歸於骨菜芝也除寒熱去  
水氣温中散結利病人諸瘡中風寒水腫以塗之薤雖辛  
而不葷五藏故道家長餌之凡用葱薤皆去青留白云白  
冷而青熱也

白

薤

荷



本草綱目卷之五十一

十三

白蘘荷

白蘘荷荆襄江湖間多種之春初生葉似苴蕉根似薑而肥堪爲菹其性好陰在木下生者尤美潘岳閑居賦云蘘荷依陰時藿向陽是也荆楚歲時記曰仲冬以鹽藏蘘荷以備冬儲又以防蠱干寶搜神記云其外姊夫蔣士先得疾下血言中蠱家人密以蘘荷置席下忽大笑曰蠱我者張小也乃收小小走自此解蠱藥多用之有赤白二種白者入藥昔人呼爲覆菹赤者堪噉及作梅果多用之

假蘇



假蘇

假蘇荆芥也生漢中川澤今處處有之初生香辛可噉人  
取作生菜味辛温無毒主寒熱鼠癩癩癰生瘡破結聚氣  
下瘀血除濕痺並取花實成穗者暴乾入藥一名鼠蓂一  
名薑芥

蘓






蘓

蘓紫蘓也處處有之葉下紫色而氣甚香夏採莖葉秋採  
實其莖并葉通心經益脾胃煮飲尤勝實主止氣欬逆其  
子尤良



水

蘓




本草綱目卷之草木

十一

水蘓

水蘓生九真池澤今處處有之多生水岸傍苗似旋復兩  
葉相當大香豈取味辛微溫無毒主下氣殺穀除飲食辟可  
臭去毒又主心吐血衄血血崩一名雞蘓一名勞祖一名芥  
蘓


香薷



香薷

香薷今所在皆種似白蘼而葉更細十月中採乾之一作  
香薷俗呼香葺味辛微溫主霍亂腹痛吐下散水腫

薄 荷



薄荷

薄荷處處有之莖葉似荏而尖長經冬根不死夏秋採莖  
葉暴乾用之味辛苦溫無毒主賊風傷寒發汗惡氣心腹  
脹滿霍亂宿食不消下氣煮汁服亦堪生食飲汁發汗大  
解勞乏


葫



葫

葫大蒜也處處有之每頭六七瓣初種一瓣當年便成獨  
子葫至明年則復其本矣花中有實亦葫瓣狀而小亦可  
種之五月五日採用味辛溫有毒主散癰腫匿瘡除風邪  
殺毒氣久食損目明

蒜即小蒜



蒜

蒜小蒜也處處有之生田野中根苗皆如葫而極細小五月五日採味辛溫有小毒歸脾腎主霍亂腹中不安消穀理胃溫中除邪痺毒氣一名夏蒜

蕒


蕒



蘼蕒

蘼蕒即雞腸草也生南中田野中葉如苕菜而小夏秋間生小白黃花其莖梗作蔓斷之有絲縷又細而中空似雞腸因名味辛平無毒主積年惡瘡不愈


葳菜



葇菜

葇菜味辛微温主蠹蝨溺瘡山谷陰處濕地有之作蔓生  
莖紫赤色葉如蕎麥而微小江左人好生食之然不宜多  
食令人氣喘發虛弱損陽氣消精髓素有脚弱病尤忌之  
一啖令人終身不愈關中謂之葇菜者是也

馬蘭頭





馬蘭頭

馬蘭頭本草名馬蘭生澤傍如澤蘭北人見其花呼爲紫菊以其花似菊而紫也苗高一二尺莖赤紫色葉似薄荷葉邊皆鋸齒又似地瓜兒葉微大味辛性平無毒又有山蘭生山側似劉寄奴葉無極不對生花心微黃赤苗葉可食


茄



茄

茄處處有之味甘寒多食損人動氣發瘡及痼疾一名落  
藕有數種紫茄黃茄南北通有之青水茄白茄惟北土多  
入藥多用黃茄餘惟可作菜茄耳根主凍瘡煮湯浸之

蕨




蕨

蕨鼈也生山間根如紫草莖青紫色末如小兒拳周秦曰  
蕨魯曰鼈初生時似鼈脚故名味甘寒滑去暴熱利水道  
人食弱陽小兒食之脚弱不行又薇似蕨而差大有芒而  
味苦山間人食之謂之迷蕨格物論薇即蕨也

同

蒿



同蒿

同蒿平主安心氣養脾胃消水飲又動風氣熏人心令人  
氣滿又邪蒿似青蒿而細軟味辛溫平無毒主胸膈中臭  
爛惡叩氣利腸胃通血脈續不足氣生食微動風氣

波

菜



菠薐

菠薐本西國中有自彼將其子來如苜蓿葡萄因張騫而  
至也冷微毒利五藏通腸胃熱解酒毒久食令人脚弱發  
腰痛與蛆魚同食發霍亂吐瀉

胡

荑



胡荽

胡荽味辛温微毒消穀治五藏補不足利大小腸通小腹  
氣拔四肢熱止頭痛療沙癬碗豆瘡不出作酒飲之立出  
久食令人多忘發痼疾子主小兒禿瘡油煎傳之亦主蠱  
五痔及食肉中毒下血煮冷取汁服并州人呼為香荽入  
藥妙用



苜

蓿



本草綱目卷之十一

三七

苜蓿

苜蓿非人甚重此江南人不甚食之味苦平無毒主安中  
利人根寒主熱病煩滿目黃赤小便黃酒疸搗取汁服一  
升吐利即愈

蒿 苣 菜



蒿苳

蒿苳即白蒿葉有白毛味苦寒主補筋骨利五藏開胸膈  
壅氣通經脉止脾氣產後不可食格物總論云蒿苳菜有  
數種又有紫苳有苦苳皆可食即野苳也江外嶺南無白  
苳常植野苳以供厨饌又清異錄蒿苳名千金菜

鹿角菜






鹿角菜

鹿角菜生海中大寒無毒下熱風氣療小兒骨蒸熱勞丈夫不可久食發痼疾損經絡血氣令人脚冷痺損腰腎少顏色

蕁

菜



蓴

蓴生水中葉似鳧莢浮水上花黃白子紫色三月至八月  
莖細如釵股黃赤色短長隨水深淺而名為絲蓴堪噉九  
月十月漸麤硬十一月萌在泥中麤短名塊蓴味甘寒無  
毒主消渴熱痺多食發痔損人胃及齒和醋食令人骨痠  
又石蓴生南海石上味甘平無毒下水利小便




瓠

瓠有苦有甘有三四種處處有之苦者入藥主黃疸大水  
面目四肢浮腫下水令人吐甘者可食能發痼疾亦不宜  
多食

扁

豆



菼豆

菼豆處處有之多種於籬落間蔓延而上花有紫白二色  
其實亦有黑白二種白者溫而入藥主行風氣女子帶下  
兼殺一切草木及酒毒亦解河鮪毒葉主吐痢後轉筋生  
搗研以酢浸汁飲之立止黑色者微冷

菼

菜



甜菜


甜菜即恭菜苗似升麻處處有之味甘苦大寒主時行壯熱解風熱毒



紫

豈


豆



紫豇豆

紫豇豆苗人家園圃中種之莖葉與刀豆同但結角色紫長尺許味微甜苗葉豆皆可食

刀豆



二  
圖  
會  
卷  
之  
道  
六  
一

刀豆

刀豆苗葉似豇豆葉微大開淡粉紅花結角如皂角狀而長似屠刀樣故以名之味甜微淡苗葉豆皆可食

苦

賈



苦蕒葉

苦蕒葉俗名老鸛菜所在有之冷無毒治面目黃強力止  
困傳蛇虫咬又汁傳疔腫即根出

水蘄



本草綱目卷之九


三九



水蘄

水蘄俗作芹菜一名水英生南海池澤二月三月作英時  
時可作蔬菜似芎藭花白而無葉根亦白色味甘平無  
毒主女子赤沃止血養精保血脈益氣令人肥健嗜食

地瓜兒



本草綱目卷之二十一

口

地瓜兒

地瓜兒苗苗高二尺餘莖方四楞葉似薄荷葉微長大又似澤蘭葉抽莖而生根名地瓜形類甘露兒更長味甘苗根可食

齊

菜



三才圖會卷之八

四十一

薺菜

薺菜生平澤中苗搗地生作鋸齒葉開小白花細實味甘  
溫無毒主利肝氣和中實亦呼疥癩子主壅去風毒邪氣  
明目解熱毒其花置席下可辟虫

商蒿



本草綱目卷之九十一

四十一

蒿蒿

蒿蒿苗高二尺餘莖幹似艾其葉細長鋸齒葉布莖而生  
味微苦性微溫苗葉可食


鷺兒腸



驚兒腸

驚兒腸就地叢生而長對節生葉葉似豇豆葉而薄又似佛指甲葉微觚葉間分生枝又開白花結子似葶藶子其葉味甜苗葉可食


佛指甲



佛指甲

佛指甲科苗高一二尺莖微帶赤黃色其葉淡綠背皆微帶白色葉如長匙頭樣似黑豆葉而微寬又似鶯兒腸葉甚大皆兩葉對生開黃花結實形如連翹微小中有黑子如小粟粒其葉甜可食

蛇葡萄



蛇葡萄

蛇葡萄生荒野中拖蔓而生葉似菝葉而小花又繁碎又似前胡葉亦細莖葉間開五瓣小銀褐花結子如豌豆大生青熟則五色苗葉味甜可食

鐵掃帚



本草綱目卷之四十一

四十一

鐵掃帚

鐵掃帚生荒野中就地叢生一本二三十莖苗高二四尺  
葉似苜蓿葉而細長開小白花其葉味苦以水浸去苦味  
可作菜食

鐵





芋苗高七八尺一科十數莖葉如楮葉葉而不花又而青  
 背白上有短毛又似蕪子葉其葉間出細穗花如白楊而  
 長每一朵凡十數穗花青白色子熟茶褐色其根黃白色  
 如手指蘆宿根地中至春自生荆楊中一歲二三割剥其  
 皮以竹刀刮其表厚處自脫得裏如筋者煮之用緝以芋  
 近蠶種之則蠶不生根味甘性寒可食

野胡蘿蔔



本草綱目卷之六十一

六

野胡蘿蔔

野胡蘿蔔苗葉似家胡蘿蔔俱細小葉間攸生莖又稍頭  
開小白花衆花攢開如傘蓋狀比蛇床子花頭尤大結子  
比蛇床亦大其根比家胡蘿蔔尤細小味甘可食

野山藥



本草綱目卷之四十一

四十一

野山藥

野山藥安藤而生其藤似葡萄條稍細藤頗紫色其葉似  
家山藥葉而大微尖根比家山藥極細瘦甚硬其皮色微  
赤味微甜性溫平無毒根可食

雞腿兒



雞腿兒

雞腿兒一名翻白草苗高七八寸細長鋸齒葉硬厚背白其葉似地榆葉而細長開黃花根如指大長三寸許皮赤內白兩頭尖筋味甜可食

絲瓜



絲瓜

絲瓜苗人家園籬邊種之延蔓而生葉似栝葉而花又大每葉間出一絲藤纏附草木上其葉間開五瓣大黃花結瓜形如黃瓜而大色青嫩時可食老則去皮內有絲縷可以擦洗油膩器皿味微甜

瓜

鴨

蒜



老鴉蒜

老鴉蒜生水邊下濕地中其葉直生出土四垂葉狀似蒲而短背起劍脊其根形如蒜瓣味甜可食

甘露



甘露

甘露子一名玉環菜冬月取根煮食味甘而美

菰 慈



慈菰

慈菰生江河及江東近水河溝沙積中味甘微苦寒無毒  
葉如剪刀形莖幹似嫩蒲又似三稜苗甚軟其色深青綠  
每叢十餘莖內抽出一二莖上分枝開小白花四瓣莖深  
黃色根大者如杏小者如杏核色白而瑩滑五月六月七  
月採葉正月二月採根一名剪刀草一名白地栗一名河  
魚茨

芋



本草綱目卷之十

五



芋


芋處處有之蜀川出者形圓而大狀若蹲鴟謂之芋魁江  
西閩中出者形長而大葉皆相類其細者如卵生於大魁  
傍食之尤美味辛平主寬腸胃充肌膚滑中一名土芝




大藕兒根如藕而小  
煮熟食枝葉不可食




野落籬二月三月採嫩  
頭湯淖過鹽醋和食



眼子菜六七月採生水澤中青  
葉背紫色莖柔滑而細長可數  
尺湯淖晒乾再泡醃醬拌食



浮薺入夏生水中六七月採  
取湯淖晒乾再泡鹽炒拌食  
或醬醃拌食生食亦可



牛尾溫生深水中葉  
如髮莖如藻冬月和  
魚煮食夏秋亦可



水菜秋生水田  
狀類白菜香油  
椒鹽拌食



狗脚跡霜降時  
生葉如狗脚印  
故名香油鹽炒  
食



烏藍音烏大也  
村人呼大爲烏  
此菜但宜熟食



碎米薺三月採  
之止可作薺



燈鷺兒二月採洗  
淨香油椒鹽炒食



